

Assalamualaikum wbt dan Salam Sejahtera

Warga UTeM yang dikasihi,

Alhamdulillah, syukur yang tidak terhingga dipanjatkan kehadiran Allah SWT, kerana dengan limpah kurnia dan izin Nya, pada tahun ini, sekali lagi kita semua diberikan kesempatan untuk bertemu dengan bulan yang penuh keberkatan, iaitu Ramadhan Al Mubarak.

Marhaban Ya Ramadhan.

Dikesempatan ini, saya dan seluruh pihak pengurusan Universiti ingin mengucapkan selamat menjalani ibadah puasa kepada semua warga UTeM yang beragama Islam.

Sempena Ramadhan yang mulia ini, saya ingin mengajak semua warga Universiti termasuklah diri saya sendiri, untuk memanfaatkan setiap detik dalam bulan yang penuh rahmat ini dengan meningkatkan amalan-amalan yang dapat mendidik jiwa, menjernihkan rohani dan menguatkan jasmani, dengan penuh rasa keinsafan, tawaduk dan ikhlas bagi memperoleh keberkatan dan keredaan Allah SWT.

Di kesempatan ini juga, saya ingin berpesan kepada semua warga UTeM, agar kita semua mengambil peluang terbaik di bulan ini untuk merapat dan mengukuhkan lagi semangat permuafakatan semasa kita, sebagai satu pasukan dan keluarga UTeM.

Sebagai warga UTeM yang berdedikasi dan beriltizam tinggi, kita hendaklah sentiasa meneliti segala peranan dan tanggungjawab yang telah diamanahkan dengan sebaik-baiknya serta berterusan dalam meningkatkan pembangunan sendiri yang lebih mantap supaya aspirasi universiti yang kita kasihi ini dapat kita bersama-sama realisasikan sepertimana yang diharapkan.

Akhir kata, marilah kita bersama-sama memanfaatkan sepenuhnya fadilat dan kelebihan yang dikurniakan di sepanjang Ramadhan, bulan penuh kerahmatan dan maghfirah. Diharapkan segala amalan dan usaha kita laksanakan diterima dan dikurniakan ganjaran sewajarnya oleh Allah SWT. Saya mendoakan agar kita semua terus diberi kekuatan, hidayah dan inayahNya untuk meningkatkan ilmu, amal dan taqwa di sepanjang bulan Ramadhan ini.

Pucuk selasih bertunas menjulang,  
Dahannya patah tolong betulkan,  
Bulan Ramadhan kembali menjelang,  
Salah dan khilaf mohon dimaafkan.

Selamat menunaikan ibadah puasa - Ramadhan 2021 – 1442 hijriah. 😊